

**Talamdan sa  
Mga Mensahe alang sa Full-time Training  
sa Spring Term sa 2026**

-----  
**LINANGKOB NGA HISGOTANAN:  
ANG MAHINUNG DANONG MGA PUNTO SA KAMATUORAN SA MGA SULAT NI PABLO—  
UNA UG IKADUHANG TESALONICA**

Mensahe 6

**Gitawag ngadto sa Gingharian ug Himaya sa Dios**

Basahong Kasulatan: 1 Tes. 2:12; 2 Tes. 1:5;  
Mar. 1:14-15; Juan 3:3, 5; Bug. 1:9

**I. Gitawag ta sa Dios aron mosulod sa Iyang gingharian ug himaya—1 Tes. 2:12:**

- A. Ang gingharian sa Dios mao ang ginsakpan diin makasimba ug makapahimulos ta sa Dios diha sa diosnong pagbuot sa tuyo nga makasulod ta sa himaya sa Dios—Mat. 6:13b.
- B. Nagtil-og, nagpangga, ug nag-amoma sa bag-ong mga magtutuo ang buhat ni Pablo diha nila aron maggawi sila nga angay sa Dios para makasulod sila sa Iyang gingharian ug makaambit sa Iyang himaya—1 Tes. 2:12.

**II. Basahon sa gingharian sa Dios ang Bag-ong Tugon; mahitungod sa gingharian ang tibuok Bag-ong Tugon—Mat. 3:2; 4:17; Bug. 11:15; 12:10:**

- A. Ang gingharian sa Dios diosnong ginsakpan nga kabuhatan sa Dios sa Iyang plano; ginsakpan kini diin makagamit ang Dios sa Iyang pagbulot-an aron matuman ang Iyang tuyo—Mat. 6:10.
- B. Ang gingharian sa Dios dili lang kasagarang paghari sa Dios sa uniberso pinaagi sa Iyang pagbulot-an ug gahom kondili pihong paghari sab sa Dios sa kahulogan sa kinabuhi —Juan 3:5, 15; Rom. 14:17; 8:2, 6, 10-11.
- C. Isip Dios nga nagpakatawo, nianhi si Ginoong Jesus aron mag-establisar sa gingharian sa Dios, mag-establisar og ginsakpan diin makatuman ang Dios sa tuyo Niya pinaagi sa paggamit sa Iyang pagbulot-an—Juan 1:1, 14; 3:3, 5; 18:36.
- D. Gisangyaw sa Bag-ong Tugon ang ebanghelyo sa paagi sa gingharian; alang sa gingharian ang ebanghelyo, ug gimantala ang ebanghelyo aron maluwas, mahimong takos, ug masangkapan ang masupilong mga makasasala aron makasulod sila sa gingharian—Mar. 1:14-15; Mat. 4:17; Buh. 8:12.
- E. Sa Bag-ong Tugon mokuyog ang gingharian sa Dios sa Iyang kaluwasan, ug mokuyog ang kaluwasan sa Dios sa gingharian—Efe. 2:8, 19; Bug. 12:10.
- F. Ang paghinulsol labi gyong para makasulod ta sa gingharian sa Dios; kon dili ta maghinulsol—sa ato pa, mag-usab sa hunahuna—dili ta makasulod sa gingharian—Mar. 1:15; Mat. 3:2; 4:17.
- G. Ang gingharian sa Dios mao ang Dios mismo, ug kinabuhi ang Dios, nga dunay kinaiya, kahimoan, ug porma sa diosnong kinabuhi, nga maoy nag-umol sa ginsakpan sa paghari sa Dios—Mar. 1:15:
  - 1. Ang pagkaduol sa gingharian sa Dios mao ang pagkaduol sa Dios mismo.
  - 2. Diosnon ang kinaiya sa gingharian sa Dios kay gingharian man kini sa *Dios* nga dunay diosnong mga kaayo sa gugma, kahayag, pagkabalaan, ug pagkamatarong—1 Juan 4:8, 16; 1:5; 2:29; 1 Ped. 1:15-16.

3. Ang pagkabaton ra nato sa diosnong kinabuhi ang makapasulod nato sa diosnong ginsakpan.
  4. Ang bugtong paagi nga makasulod ta sa gingharian sa Dios mao ang pagdawat nato sa Dios nga kinabuhi ug pagkabaton nato sa Dios mismo—Juan 1:1, 14; 3:15; 1 Juan 5:11-12.
  5. Kay nadawat man nato ang diosnong kinabuhi, ang kinabuhi sa Dios, sa pag-anak pag-usab kanato, ang pag-anak pag-usab mao ang bugtong-talagsaong paagi nga makasulod ta sa gingharian—Juan 3:3, 5, 15.
- H. Pinaagi sa pag-anak pag-usab gibalhin na ta ngadto sa makalipay nga gingharian sa Anak sa gugma sa Dios—sa ginsakpan diin giharian ta diha sa gugma uban sa kinabuhi—Col. 1:13.
- I. Ginsakpan sa diosnong kaliwat ang gingharian sa Dios; aron makasulod niining diosnong ginsakpan, ipanganak gyod ta sa Dios aron makabaton sa kinabuhi ug kinaiya sa Dios, sa ingon niana mahimong mga Dios-tawo diha sa gingharian sa Dios—Juan 1:12-13; 3:3, 5.
- J. Ang gingharian sa Dios mao si Ginoong Jesus nga binhi sa kinabuhi nga gisabod nganha sa Iyang mga magtutuo ug naugmad nga ginsakpan nga kaharian sa Dios ingon nga Iyang gingharian diha sa Iyang diosnong kinabuhi—Luc. 17:20-21; Mar. 4:3, 26.
- K. Ang walay kataposang gingharian sa Dios mao ang pagdako ni Cristo sa administrasyon—Dan. 2:34-35, 44; Mar. 4:26-29.
- L. Nagkinabuhi ang mga magtutuo karon sa kinabuhi sa gingharian diha sa iglesia, kay ang iglesia man ang gingharian sa Dios ning panahona—Mat. 16:18-19; 1 Cor. 6:10; Efe. 5:5:
1. Ang iglesia mao ang gingharian sa hugna sa pag-ugmad, sa pasiunang hugna—Bug. 1:9.
  2. Kon pabuhaton sa sulod nato ang pagbulot-an sa gingharian sa Dios, ang pagkamatarong, kadait, ug kalipay maoy kinaiya sa adlaw-adlaw natong kinabuhi—Rom. 14:17.
  3. Ang buhat sa iglesia pagpadangat man sa gingharian sa Dios—Mat. 6:10; 12:22-28; Bug. 11:15; 12:10.
  4. Ang tumong sa Dios mao nga magkinabuhi ta sa iglesihanong kinabuhi nga magpasulod nato sa gingharian; nagpasabot kini nga magkinabuhi gyod ta sa pasiunang hugna sa gingharian nga magdala nato ngadto sa hingpit nga pagpadayag sa gingharian—Mat. 13:43.
- M. Gihatagag gibug-aton sa Bag-ong Tugon ang krus, ang iglesia, ug ang gingharian; nagpalugwa sa iglesia ang krus, ug magpadangat sa gingharian ang iglesia—Mat. 16:18-19, 24.
- N. Aron makasulod sa gingharian sa Dios, moagi gyod tag mga pag-antos; aron “isipon [nga] angayan sa gingharian sa Dios,” kinahanglang motubo ang atong pagtuo, modako ang atong gugma, ug mamintinar ang atong pagkamalahutayon—Buh. 14:22; 2 Thes. 1:5.
- O. Sa makasulod na ta sa gingharian sa Dios pinaagi sa pag-anak pag-usab, mopadayon gyod ta aron dato tang makasulod sa walay kataposang gingharian sa atong Ginoo ug Manluluwas nga si Jesucristo sa pagsinati nato sa hingpit nga pagkaugmad sa diosnong kinabuhi ingon sa gipadayag sa 2 Pedro 1:5-11.
- P. Agig resulta sa pagtubo ug pagkaugmad sa diosnong kinabuhi hangtod mahamtong ug sa pagkinabuhi nato sa realidad sa gingharian diha sa iglesihanong kinabuhi karon, mapanunod nato ang gingharian sa Dios—itandi sa 1 Cor. 15:50; Gal. 5:21.

**III. Mokuyog ang himaya sa Dios sa Iyang gingharian ug mapadayag kini diha sa ginsakpan sa Iyang gingharian—Mat. 6:10, 13b; Sal. 145:11-13:**

- A. Ang gingharian mao ang ginsakpan nga kagamitan sa Dios sa Iyang gahom aron makapadayag Siya sa Iyang himaya—Bug. 5:10, 13.
- B. Ang pagsidlak sa gingharian aron man mahimaya ang Amahan—Mat. 5:16.
- C. Ang gingharian sa Dios mao ang Dios nga napadayag pinaagi nato; ang pagpadayag sa Dios gikan sa atong sulod mao ang gingharian—vv. 14-15; 1 Cor. 4:20; 10:31.
- D. Gipakita sa 1 Tesalonica 2:12 nga dungan tang mosulod sa gingharian sa Dios ug sa himaya sa Dios.